

# Te Reo Māori Kaupae 1

## Tautuhinga Aromatawai Ā-Waho 2024

<b>Te Paerewa Paetae</b>	92095
<b>Te Ingoa</b>	Te tuhi e pā ana ki tētahi horopaki e taunga ana
<b>Te Marautanga</b>	New Zealand Curriculum (NZC)
<b>Te Wāhanga Ako</b>	Te Reo Māori
<b>Ngā Whiwhinga</b>	E 5
<b>Te Tukanga Aromatawai</b>	He Kete Manarua - Assessment Portfolio
<b>Te Wā Tuku Aromatawai</b>	Te 1 o Oketopa 2024 ki te 30 o Oketopa 2024

### Kete Manarua

Ko te KETE i pū mai i te pā harakeke, he whakapapa tōna.

He MANA tōna, e rua ōna āhuatanga; Kātahi: Ko ngā taonga tuku iho ka kohikohia e te Ākonga. Ka rua: He whakapiki i te mana motuhake o te Ākonga, ōna hapū, ōna iwi hoki.

### Te Whakatakotoranga Aromatawai

Ko tā te ākonga mahi, he whakaputa i tētahi tuhinga. Kei te kura te tikanga mō te momo tuhinga, pēnei i te tuhinga rīpoata, i te tuhinga reta, i te tuhinga paki, i te aha ake rānei. Kei te kura hoki te tikanga mō te horopaki.

Ka noho te ākonga me te kaiako ki te kōwhiri i te horopaki e tika ana mō ngā mahi nei, ā, hei te mutunga iho ka tukuna ngā mahi me ngā taunakitanga mā te taupānga e kīia nei ko 'MyNZQA.'

Ko ngā momo taunakitanga me kite i roto i te Kete Manarua, ko:

1. te ohia manomano (brainstorm)
2. te kape tuatahi (draft 1)
3. te kape tuarua (draft 2)
4. te kape whakamutunga (final copy).

Me whakaatu te ākonga i te whanaketanga o ngā pūkenga tuhituhi, mai i te kape tuatahi tae noa ki te kape whakamutunga. Ko te tikanga, ka tuhi te ākonga i te kape tuatahi, kātahi ka mākahia tērā e te kaiako.

I konei ka whakatika te Ākonga i ngā hapa ā-tuhi i kitea ai, i tautohua ai hoki e te Kaiako.

Ko ngā awenga nui o te Kaiako i ngā mahi nei, ko te:

- kauruku i ngā hapa ā-tuhi
- porohita i ngā hapa ā-tuhi
- tautohu ā-waha i ngā hapa ā-tuhi.

Heoi anō, kua rāhuitia te nui o tā te kaiako tuhi kōrero ki ngā kape katoa.

Ka mutu ana te māka me te tuku whakaaro, ka toaitia te tukanga tuhi kia puta ai te kape tuarua. Ko te tikanga, he iti iho ngā hapa ā-tuhi i tēnei wāhanga o te mahi. Kātahi te ākonga ka whakaputa i tētahi kape whakamutunga.

Me kua te tapeke o ngā kupu e iti iho i te 300 kupu, ā, me kua e rahi ake i te 500 kupu. Me tuhi ngā kōrero katoa ki te reo Māori anake.

Ka taea e te kaiako te tuku whakaaro hei kai mā te hinengaro o te ākonga, heoi, me kite tonu ngā whakaaro ake o te ākonga i roto i ngā kape tuatahi, tuarua tae rawa atu ki te kape whakamutunga.

Ka taea e te Kaiako te tuku whakaaro hei kai mā te hinengaro mō te Ākonga, heoi anō, me kitea tonutia ngā whakaaro ake o te Ākonga ki roto i ngā kape kōhukihuki tae rawa ki te kape whakamutunga.

**Hei whakaarotanga:** Me mōhio te ākonga me te kaiako, ki te tuku te ākonga i te kape whakamutunga anake, kāore e tukuna he māka. Nō reira, me kite i te Kete Manarua:

- te ohia manomano
- te kape tuatahi (draft 1)
- te kape tuarua (draft 2)
- te kape whakamutunga (final copy).

## Ngā Herenga Aromatawai

He mahi takitahi tēnei mahi nā te ākonga; me te whakatakoto taunakitanga mō te aromatawai ā-waho. He Kete Manarua ā-matihiko anake.

Kia tutuki pai te Kete Manarua ā-matihiko nei:

- me whakaputa te ohia manomano me ngā kape e toru hei PDF
- me noho te rahinga tuari ki raro i te 5GB kia pai te tārewatanga o ngā mahi ki 'MyNZQA'
- me tika te whakaraupapatanga o ngā mahi
- me tika te whakatakotoranga o ngā mahi (kia kua e noho tītaha, huripoki rānei).

## Te Motuhēhē o ngā mahi o ngā ākonga

Me pēhea e mōhiotia ai te motuhēhē o ngā mahi o ngā ākonga? He tukanga, he taunakitanga e mōhiotia ai nā te ākonga ake āna mahi aromatawai. Kia mataara ngā ākonga, ngā kaiako me te whānau o te kura hoki ki te motuhēhē o ngā mahi a ngā ākonga.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā ākonga.

Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki te tangata | puna awhina;
- Ngā momo puna awhina, puna kōrero rānei:
  - » kōrero ā-waha: he uiui kaumātua, pakeke, rangatira, mātanga rānei;
  - » ngā pukapuka i whakaputa;
  - » ngā pukapuka kāore i whakaputa;
  - » wāhitau ipurangi, ngā honongaitua rānei.

He kōrero anō i ngā wāhitau ipurangi o te paetukutuku NZQA:

- [Authenticity :: NZQA](#)
- [Myth 3 Managing authenticity :: NZQA](#)
- [Authenticity of externally assessed standards :: NZQA](#)
- [Guidance on the acceptable use of Artificial Intelligence :: NZQA](#)

## Te Tāpaetanga me te Hāponotanga

Ko ngā tāpaenga Kete Manarua me mahi mā te pūnaha hou (kei te pae ipurangi matua o My-NZQA): [Tāpaetanga pūnaha hou NZQA](#)

Kāore te Kete Manarua matihiko e whakahokia ki te ākonga. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina ki te tuku atu i ngā tāpaenga Kete Manarua:

- Īmēra mai ki [assessment.servicecentre@nzqa.govt.nz](mailto:assessment.servicecentre@nzqa.govt.nz),
- waea rānei i te NZQA Contact Centre mā te nama 0800 687 296.